

- 2165 „Nu lôn' dir gôt, Rüedegêr“, sprach der künec dô.  
er unt diu küneginne, si wurden beidiu vrô.  
„uns suln dine liute vil wol bevolhen wesen:  
ouch trouwe ich minem heile daz du maht selbe wol genesen.“
- 2166 Dô liez er an die wâge sêle unde lîp.  
dô begonde weinen das Ezzelen wîp.  
er sprach: „ich muoz iu leisten als ich gelobet hân.  
owê der minen friunde, die ich vil ungrêne bestân.“
- 2169 Gewâfent wart dô Rûedegêr mit fûnf hundert man:  
dar ûber zwêlf rêcken ze helfe er gewan.  
die wolden pris erwerben in des sturmes nôt:  
sin' wessen niht der mâere daz in sô nâhtê der tôt.
- 2170 Dô sah man Rûedegêre under helme gân.  
ez truogen swert diu scarpfen des maregrâven man,  
dar zuo vor ir handen die liehten schilde breit.  
daz sach der videlere: ez was im grazliche leit.
- 2171 Dô sah der junge Giselher sinen sweher gên  
mit ûf gebundenem helme. wie moht' er dô verstên  
waz er dâ mite meinte, niwan allez guot?  
des wart der künec edele sô rehte vroelich genuot.
- 2172 „Nu wol mich solher vriunde“, sprach Giselher der degen,  
„die wir hân gewonnen ûfe disen wegen.  
wir suln mines wibes vil wol geniezen hie.  
mir ist lîep ûf mine triuwe daz ie der hirât ergie.“
- 2173 „I'ne weiz wes ir iuch troestet“, sprach dô der spileman,  
„wa gesâht ir ie durch suone sô manegen helt gân  
mit ûf gebunden helmen, die trûegen swert enhant?  
an uns wil dienen Rûedegêr sine bûrge und sîniu lant.“
- 2174 Bedaz der videlere die rêde vólsprâch,  
Rûedegêrn den edelen man vor dem hûse sach.  
sinen schilt den guoten sazt' er für den fuoz.  
dô muos' er sinen friunden versagen dienest unde gruoz.
- 2175 Der edel maregrâve rîef in den sal:  
„ir kûenen Nibelunge, nu wert iuch über al.  
ir soldet mîn geniezen, nu engêldêt ir mîn.  
ê do wâren wir friunde: der trûuwen wil ich ledec sîn.“
- 2176 Do erschrahten dirre mâere die nôthaften man:  
wand' ir deheiner vreude dâ von niht gewan.  
daz mit in wolde strîten dem si dâ wârenholt.  
si heten von ir vinden vil michel arebeit gedolt.
- 2177 „Nune welle got von himele“, sprach Gûnthêr der degen,  
„daz ir iuch genâden sûlt an uns bewegen  
unt der vil grôzen triuwe, der wir doch heten muot.  
ich wil iu des baz getrouwen daz ir'z nimmêr getuot.“
- 2178 „Jane mac ich's niht gelâzen“, sprach dô der kûene man:  
„ich muoz mit iu strîten. wand' ih'z gelobet hân.  
nu wert iuch, kûenen helde, sô lieb iu si der lîp.  
mich enwolde's niht erlâzen des kûnec Ezzelen wîp.“